

劉左史詩集

五言詩

方潭展墓示子姪

舊庵在山頂去此五里餘創謀自吾祖遷就今在居住時僧不多苟且完  
室廬至于五十載風雨荒榛燕先人樂溪山每到常躊躇深憐棟宇敝締  
構新是圖鑿岩闢幽徑開門揖清虛高堂閤且深三山列庭隅或禪或教  
律濟二澹衣裾先塋舊所卜乃在西南隅松筠老且茂雲氣時卷舒政和  
甲午歲予解壽春符寬恩得真祠展省來郊墟清酌奠墓隧誥軸焚金朱  
報効未云訖涕泗徒連如竭來就堂宇會飲族屬俱夜深燈大明山靜竹

劉安節元承

栢疎翻思昔日營似為今所頌先人篤好善雅志在詩書于公有陰德高  
大其門閭虞誦名升卿其後果不誣嗟予忝厥脩覆敗良可虞作詩以自  
警其無迷厥初

歲寒亭

茲亭予所作再到異疇昔江梅老半枯檜栢春逾碧易名為歲寒表此蒼  
翠色森然一徑幽步屨時取適

清隱亭泛舟

高樹環清池波平春正綠移舟近南岫倒影見華屋危梁屬修徑幽思生  
遠目更登狎鷗亭可以忘寵辱

西齋雜咏六首

葵花

物性不可奪葵藿傾太陽為臣茲取節萬古有餘芳

檜

蔚：傲霜葉亭：綠池畔莫言盈尺材要是凌雲幹

竹

繁枝喜刪除勁節見獨立灌溉未踰法新筍已戢

冬青

得名固不誣對植近庭廡葉綠帶寒烟花繁泣微雨

菊

移根近軒墀不使衆草沒會見黃金英泛我盃中物

石斛

鑿石空其中貯水凡幾斛淵渟或可鑿童子慎毋觸

萬田道中

水澗疑無路雲深僅有山兒童划小艇出沒稻塍間

方潭

飯飽雲岩粟茶甘碧澗泉我來無一事危坐聽山蟬

花鬻鎮二首

下蔡嬉遊地春風萬杏繁誰家堪繫馬青壁竹籬門  
花鬻誰名鎮梅粧自古傳家二小兒女滿額點花鈿

長溪建善寺四首

繡谷堂

山谷誰能駕華堂得此名春風無轍迹紅紫自敷榮

龍湫亭

亭下一盃水澄泓如有容不因求得雨那信有神龍

燕庵

已涉艱危地方能處燕安人間不可忽頃向靜中看

白蓮堂

瀟灑猷公房幽深古道旁山形半環小池面一奩方

仙岩莊

山勢從東轉河流自北來地幽饒水竹山迥少塵埃城郭居何遠舟舡暮

可回此中棲息穩懷抱一開時

重九宴集天柱間

皖國逢重九登臨搖落天盍簪追往事吹帽想前賢入眼吳萸紫開觴卸菊鮮五雲亭最好爭奈近靈仙

和胡子文遊山寺值雨

偷閑出城府聊以洗塵心自得林泉趣何妨雨霧深野亭連竹色古寺想潮音幸接高人論清風滿素襟

憶瀟鵲

瀟鵲知何許南園春水多稻梁隨分有烟雨想無它世上貪毛羽湖邊足網羅池塘棲息穩慎勿歇風波

幸有春池濶雙三戲晚暉庭閑宜對立翅短莫高飛寇賊已聞熄主人行且歸相將芰荷畔看汝浴紅衣

獨遊竹閣

極目盡天際風烟香靄間水光清混日野色遠連山白鹿今何在高僧此獨閑我今無伴侶乘興一躋攀

宿方潭

山中何所有一味靜難名暗谷流泉響疎林葉落聲夜深寒月白霜重曉鍾清早出松間路衣袂空翠凝

贈釋達夫

雲房依古城閨靜戶常扃苦行人難及高吟鬼亦聽望餘秋水遠定起暮

山青世諦都無念。逢人自說經。

和少伊同左經臣湖上作

共飲招提去。輕舟漾晚風。水光雲影裏。山色酒樽中。邊戍今休卒。吾生免轉蓬。茲遊惜不與。猶喜一篇同。

小飲

南窓閑徙倚。風露已秋深。晚色兼涼至。浮雲帶日陰。池荷欺碧玉。籬菊暗黃金。時序將道盡。翻驚壯士心。

茶院紫翠閣

小閣面空闊。下臨寒水清。前山掛錦綉。日落轉分明。沙際小舟遠。雲間歸翅輕。我來看不足。佇立獨含情。

七言詩

便齋

芙蓉已過菊花殘。獨有松筠耐歲寒。一榻蕭然無个事。坐看紅日上闌干。

登煉丹山三絕句

攀沿絕壁上。高峯下瞰塵寰杳。靄中未飲刀圭。跨鶴已如身世脫樊籠。神仙已往遺基在。丹井淒清絕點埃。歸去漏殘初睡醒。恍疑身到洞天來。羣峯聳拔更回環。鶴駕分明縹緲間。金鼎丹成人不見。但留名字鎮空山。

德輦梅軒月下小酌

踈影橫斜落酒尊。誰知寒月上梅軒。昔年山相樓真地。我亦全家寄此村。

宿樓林三首

誰知踪跡到桐山，賴有禪僧數往還。  
溪路水深行未得，小窻幽閣總躋攀。  
回首江鄉路渺瀰，雨天行色倍遲遲。  
最憐山寺留連日，恰是清明禁火時。  
征鞍終日雨霏霏，投宿棲林旋燎衣。  
天意似憐行客倦，放將紅日出岩扉。

建善卽事三首

繡嶺峰高插晚空，雨餘烟霧淡朦朧。  
瓊枝細葉知多少，最愛團栾竹一叢。  
春歸枝上餘花少，轉午濃陰綠滿蹊。  
何事黃鸝語音好，慙慙飛傍粉牆啼。  
籜龍亭下知誰種，旋見新篁破綠苔。  
到此不知終幾日，抽梢今已過牆來。

玄沙二首

軒窗高下傍岩隈，花木層層取次栽。  
誰道山深春色晚，等閑桃李已齊開。  
飛山髣髴如天竺，環合峯峦一徑通。  
何日再來亭上宿，靜聽猿呌月明中。

大中西庵

借得西庵不似菴，宛如媧舍住城南。  
晚來一盞亮功酒，更薦棲林人寸柑。  
硤石相對有項羽廟

乘閑驅馬向高原，楚漢遺基尚宛然。  
堪憐項羽成何事，占得淮邊屋數椽。

江村漁舍

江邊茆屋被風掀，雨打疎窻夜不眠。  
催喚兒童五更起，重添篾纜繫漁船。  
晚步

秋半淒然客思清，杖藜何處暢幽情。  
晚天風雨莓苔活，閒傍闌干取次行。

出局紀懷

國爾忘家是所先，如何交構競爭權。  
霜臺白簡真可畏，一日五公俱左遷。

蠟棋

雙成送我蠟梅花夜靜幽香自一家疑是素娥乘月下淡黃衣袂紫雲車  
宿桐城驛二首

大農遺愛在桐川血食于今幾百年應想歲豐秋賽日送迎歌舞獨喧闐  
桐溪古驛聞來久我對棋黃兩細時砌下流泉無復有空餘松柏覆簷垂  
即事

江烟淡二日落後山雨纖三潮上初黃鶯引雛過林杪羣雞就食喧堦除  
澄源堂落梅如茵

落英回旋雪飛餘誰向庭中細二鋪借與翠娥相應舞絕勝西蜀錦羅瑜  
安豐道中

陂渠積水與田通髣髴江鄉意趣同引起三吳耕釣興小舟來往藕花中

甘露亭二首

涵碧軒前甘露亭暑天涼夕此閑行琅玕一畝森如玉影入池心澈底清  
水斛安排鏡面平菰蒲初種已齊生晚來雨過浮萍少看見魚兒作隊行

舒州西門送客亭

拂雲亭外竹千竿靜聽清聲戛玉寒却憶謝公岩下路水風涼處戰檀栾  
友人新居

門向平湖靜處開兩餘山色入簾來連雲競秀千岩竹隔水飄香一徑梅  
觀裏紫芝元不老柱頭玄鶴幾時回此峯信是神仙窟子晉吹簫有舊臺

登謝公樓分韻得心字

高峙危樓壓翠岑，登臨遙想昔賢心。人隨歲月有興廢，名逐江山無古今。  
殘日汀邊生晚思，斷雲簾外捲晴陰。清風凜冽今何在，芳草池塘恨獨深。  
即事

未尋南郭舊生涯，且向淮堧太守家。西圃學栽陶令菊，後園時種召平瓜。  
民淳訟少看空固，吏散庭空聽報衙。更得歲豐多樂事，官遊誰復問年華。  
寄叔靜

頻年京闕暗胡塵，竊發桐廬更駭聞。食盡犬羊還自斃，火炎螻蟻却須焚。  
中原已有汾陽將，二浙誰驅下瀨軍。州郡雖嚴防守計，可將忠畧助忠勤。  
和左經臣見過

為愛端居上郡章，里間何幸得徜徉。買田郭外春畊早，築室湖濱野趣長。  
且把舊書遮病眼，了無塵事擾中腸。故人訪我留佳句，應笑年來兩鬢蒼。  
荆溪有懷

自從南郭得三椽，怕趁荆溪半夜船。每望白雲驚歲月，空將清夢遶林泉。  
雖因追遠時來此，又見登高意慘然。極目不知多少恨，一聲孤鴈夕陽天。  
聖泉

聞道東山有聖泉，杖藜侵曉到山前。一泓寒玉流無盡，萬頃良田大有年。  
茶鼎曉煎雲脚嫩，齋厨夜引溜聲圓。我來一酌磁甌去，終日餘甘齒頰邊。  
四月一日壽陽樓遇雨

黑雲滂蔚自西來，佇立危樓亦壯哉。遠壑烟生千里雨，寒潭龍起數聲雷。  
田疇坐看還豐歲，里巷遙欣弭旱灾。慙愧外官逃吏責，歸鞍何憚踏泥回。



和馮中丞中秋夜月

卷盡浮雲見碧虛  
初傳更漏滴銅壺  
入秋爽氣迥然別  
此處之  
共想姮娥依桂兔  
獨憐飛鵲遶庭梧  
西園飲散歸來早  
不用

又十六夜月

雲頭依舊尚團圓  
未覺清光有兩般  
自是人心重佳節  
故將今夕不同看  
望中銀漢祗如昨  
坐久園亭又更寒  
莫把盈虧妄分別  
一杯到手且頽乾

